

ADMINISTRACIÓN LOCAL

MUNICIPAL

AMES

Aprobación definitiva modificación Ordenanza reguladora da taxa pola actividade administrativa do cemiterio municipal de Ames

ANUNCIO

Aprobación definitiva modificación Ordenanza reguladora da taxa pola actividade administrativa do cemiterio municipal de Ames.

En sesión plenaria celebrada o 27 de decembro de 2018 prestouse aprobación provisional á modificación da ordenanza reguladora do prezo público polos servizos funerarios do cemiterio municipal de Ames.

Dito acordo de aprobación provisional foi sometido a exposición pública por prazo de 30 días hábiles, no Boletín Oficial da Provincia núm. 2, de 3 de xaneiro de 2019 e no taboleiro de anuncios da sede electrónica municipal, sen que durante o referido prazo fora presentada ningunha reclamación.

De conformidade ao acordo plenario de 27 de decembro de 2018, ao non terse presentado ningunha reclamación durante o prazo de exposición pública, o acordo de aprobación provisional quedou elevado a definitivo de forma automática.

En cumprimento do previsto no artigo 70.2 da LRBRL faise público o texto definitivamente aprobado ós efectos da súa entrada en vigor que terá lugar unha vez publicado o texto definitivamente aprobado e transcorra o prazo previsto no artigo 65.2 LRBRL.

Anexo I

ORDENANZA FISCAL REGULADORA DA TAXA POLA ACTIVIDADE ADMINISTRATIVA DO CEMITERIO MUNICIPAL

Artigo 1.- Fundamento e natureza.

En uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, Reguladora das Bases do Réxime Local, e de conformidade co disposto nos artigos 15 a 19 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, este Concello establece a Taxa pola actividade administrativa do Cemiterio Municipal, que nas súas normas atende ó previsto no artigo 57 do citado Real Decreto Legislativo.

Artigo 2.- Feito Impoñible

Constitúe o feito impoñible da Taxa a presentación dos servizos de conservación dos espazos destinados ao descanso dos defuntos; mantemento das instalacións e a realización das actividades administrativas que, en relación coas licenzas, autorizacións, permisos, sexa necesario para actuacións que se recollen no artigo 7 da presente ordenanza.

Non estarán suxeitos os permisos para inhumacións que ben ordene a autoridade xudicial e se efectúen na fosa común ou ben os permisos necesarios para o traslado ao osario, se así se solicita, sempre que a sepultura quede libre e reverta a prol do Concello.

Artigo 3.- Suxeito pasivo.

Son suxeitos pasivos contribuíntes, os solicitantes da concesión da autorización ou da prestación do servizo e, no seu caso, os titulares da autorización concedida.

Artigo 4.- Responsables.

1. Responderán solidariamente das débedas tributarias as persoas ou entidades ás que se refire o artigo 42 da Lei 58/2003, de 17 de decembro, Xeral Tributaria.

2. Serán responsables subsidiarios as persoas ou entidades ás que se refire o artigo 43 da Lei 58/2003, de 17 de decembro, Xeral Tributaria.

Artigo 5. Devengo.

Nace a obriga de contribuír por esta taxa no momento en que se inicie a prestación dos servizos ou a realización das actividades administrativas, entendendo para estes efectos que o inicio se produce coa solicitude destes.

Agás no caso da **conservación e vixianza**, na que o período impositivo coincidirá co ano natural e a obriga de contribuír nacerá o primeiro día de cada período impositivo.

Artigo 6- Exencións e Bonificacións

Estarán exentos do pago desta taxa cando a actividade administrativa se preste con ocasión de:

a) Enterramentos dos asilados procedentes da beneficencia, sempre que a condución se verifique por conta dos establecementos mencionados e sen ningunha pompa fúnebre que sexa costeada pola familia dos falecidos.

b) Enterramentos de cadáveres de pobres de solemnidade.

Artigo 7.- Cota tributaria.

A cota desta taxa será a que comprende os seguintes servizos:

a) **Cambios de titularidade**, despois da autorización municipal, de concesións sobre terreos e sepulturas no dito cemiterio 275,00€

b) **Permiso de retirada de restos** dos cinceiros, tumbas, nichos e panteóns a Osario xeral sen apertura: 30,00€.

c) **Instalacións e reparacións.**

1.- Permiso de instalación:

-Por cada permiso de Instalación de lápidas: 40,00€

-Por cada permiso de Instalación de cruces ou calquera outro símbolo en tumbas: 45,00€

2.- Permiso de Reparación:

- Por cada permiso para reparación de lápidas: 25,00 €

- Por cada permiso para reparación de cruces ou calquera outro símbolo en tumbas: 30,00€

d) **Certificación da concesión no Rexistro** municipal de panteóns, tumbas, nichos e cinceiros, por calquera causa: 20,00 €

e) **Conservación e vixianza**: Co fin de asegurar a mais decorosa e digna conservación do recinto e espazos próximos aos destinados a enterramentos, esixiranse o seguinte dereito anual:

a) Para columbarios: 10,00€

b) Para nichos individuais: 20,00€

c) Para tumbas e panteóns completos: 40,00€

Artigo 8.- Normas de xestión

1. A prestación de servizos obxecto desta taxa, excepto o previsto no artigo 7.e), levarase a cabo a pedimento da parte interesada, mediante solicitude presentada no rexistro xeral acompañando xustificante de ingreso da autoliquidación da taxa regulada nesta Ordenanza. Para estes servizos, o Concello emitirá o informe que xustifique a concesión ou denegación da licenza ou autorización correspondente e procederá á notificación da resolución ao interesado.

2. Para a prestación de servizos previstos no artigo 7.e) que ten como feito impositivo a conservación e vixianza, o ingreso desta taxa efectuarase mediante recibo. Ao tratarse dun cobro periódico, unha vez notificada a liquidación de alta no censo procederá á notificación colectiva das sucesivas liquidacións mediante edictos que así o advirtan.

Artigo 9.-Normas complementarias

Cando se produza un cambio de titularidade que poña de manifesto a existencia de anteriores transmisións que non fosen obxecto de autorización e pagamento de dereitos, aboarase o importe que resulte de liquidalas transferencias anteriores de acordo á ordenanza actualmente vixente.

Artigo 10.- Infraccións e sancións

Para todo o relativo a cualificación das infraccións tributarias, e a imposición das sancións correspondentes, rexerá o disposto nos artigos 178 e seguintes da Lei 58/2003, de 17 de decembro, Xeral Tributaria.

DISPOSICIÓN FINAL

A presente Ordenanza foi aprobada polo Pleno da Corporación na sesión celebrada o día 28 de setembro de 2017 e modificada en sesión plenaria do 27 de decembro de 2018, e entrará en vigor o día da súa publicación no Boletín Oficial da Provincia (BOP) e permanecerá en vigor ata a súa modificación ou derogación expresa.

Ames, 26 de febreiro de 2019

O alcalde

José Manuel Miñones Conde

2019/1605